

LŌ·-TEK-KÌ (8)

1 Tng sū-su pān cheng-sū ê sî, hit ê toē tú-tiōh ki-hng; tī Iū-tāi Pek-lī-hêng ū chit ê lâng kap i ê bó· nng ê kiáⁿ chhut-goā khi Mô·-ap toē. ²Hit-lâng miâ-kiò Í-lī-bí-lék, i ê bó· miâ-kiò Ná-o-bí, i nng ê kiáⁿ miâ Má-lún, Ki-liân; lóng sī Iū-tāi Pek-lī-hêng ê Í-hoat-tha lâng; in kàu Mô·-ap toē, chiū tī-hia khiā-khí. ³Au-lâi Ná-o-bí ê tiōng-hu Í-lī-bí-lék sí, pàng i kap i nng ê kiáⁿ. ⁴Nng ê kiáⁿ chhoā Mô·-ap ê cha-bó·-kiáⁿ choè-bó·, chit-ê miâ-kio Gô-jíⁿ-pa, chit-ê miâ-kiò Lō·-tek; tiàm tī-hia iok-liók chấp-ní. ⁵Má-lún kap Ki-liân nng-lâng iā sí; chhun hit ê hū-jîn-lâng bô tiōng-hu, iā bô kiáⁿ. ⁶I chiū kap nng ê sim-pū khí-lâi, beh tùi Mô·-ap toē tò-khì; in-ūi i tī Mô·-ap toē thiaⁿ-kìⁿ Iâ-hô-hoa koàn-kò· I ê peh-sìⁿ, siúⁿ-sù in bí-niū. ⁷I chiū tùi i khiā-khí ê só·-chāi chhut-khì, nng ê sim-pū kap i khi, in kiâⁿ-lō· beh tò-khì Iū-tāi toē. ⁸Ná-o-bí ká nng ê sim-pū kóng, Lín khi ah, ták-ê tò-khì lâu-bú ê chhù; goān Iâ-hô-hoa hó khoán-thāi lín, chhin-chhiūⁿ lín khoán-thāi í-keng sí ê lâng kap goá chit-iūⁿ; ⁹goān Iâ-hô-hoa siúⁿ-sù lín ták-lâng tī tiōng-hu ê ke tit-tiōh pêng-an. Chiū kap in chim-chhùi; in chiū chhut-siaⁿ thi-khàu, ká i kóng, ¹⁰M̄-ah, goán beh kap lí saⁿ-kap tò-khì lí ê peh-sìⁿ hia. ¹¹Ná-o-bí kóng, Goá ê cha-bó·-kiáⁿ ah, tò-khì ah; siáⁿ-sū beh kap goá khi ah? goá iáu oē hoai-thai siⁿ-kiáⁿ choè lín ê tiōng-hu mah? ¹²Goá ê cha-bó·-kiáⁿ ah, tò-khì ah,

khi ah; goá í-keng nî-lâu, boē-oē koh ū tiōng-hu; goá nā kóng, Goá iáu ū òng-bāng, goá kim-mi nā ū tiōng-hu iā oē siⁿ kiáⁿ, ¹³lín kiám oē theng-hāu in toā-hàn mah? lín kiám oē kakī siú, bô kè--lâng mah? Goá ê cha-bó·-kiáⁿ ah, bôh-tit án-ni; goá ūi-tiōh lín chīm-chāi iu-khó; in-ūi Iâ-hô-hoa chhun-chhiú kong-kek goá. ¹⁴In koh chhut-siaⁿ khàu; Gô-jíⁿ-pa kap ta-ke chim-chhùi; tók-tók Lō·-tek kap i pàng-boē-lī. ¹⁵I kóng, Khoàⁿ ah, lí ê tâng-sāi í-keng tò-khì i ê peh-sìⁿ, i ê siōng-tè hia, lí iā tiōh tè lí ê tâng-sāi tò-khì. ¹⁶Lō·-tek kóng, Bôh-tit khng goá lī-khui lí, tò-khì bô tè lí; in-ūi lí khi hia, goá iā beh khi hia; lí hiōh tī-hia, goá iā beh hiōh hia; lí ê peh-sìⁿ beh choè goá ê peh-sìⁿ; lí ê Siōng-tè iā beh choè goá ê Siōng-tè; ¹⁷lí sí tī-hia, goá iā sí tī-hia, bāi-chòng tī-hia; tū sí í-goā, nā ū sím-mih hō· lí goá saⁿ-lī, goān Iâ-hô-hoa ka-pē chek-hoat goá. ¹⁸I khoàⁿ-kìⁿ i koat-ì beh kap i khi, chiū bô koh tùi i kóng-khí.

¹⁹Tùi án-ni nng lâng saⁿ-kap kiáⁿ, lâi kàu Pek-lī-hêng; in kàu Pek-lī-hêng, thong siāⁿ ūi-tiōh in lóng choah--khí-lâi; hiah ê hū-jîn-lâng kóng, Che sī Ná-o-bí mah? ²⁰I òn kóng, Bôh-tit kiò goá Ná-o-bí, tiōh kiò goá Má-lâh, in-ūi Choân-lêng--ê khoán-thāi goá chin kan-khó; ²¹goá chhut-khì ê sî moá-chiok, Iâ-hô-hoa hō· goá khang-khang tò--lâi; Iâ-hô-hoa í-keng chek-pī goá lâi cheng-bêng goá, Choân-

lêng--ê í-keng khó·-chhó· goá, lín siáⁿ-sū kiò goá Ná-o-bí ah? ²²Án-ni Ná-o-bí tò--lâi, i ê sim-pū Mô·-ap ê cha-bó·-kiáⁿ Lō·-tek, tui Mô·-ap toē tò--lâi ê, iā kap i lâi; in kàu Pek-lī-hêng, tú-á sī khí-chhiú koah toā-béh ê sī.

2 Ná-o-bí ū i ê tiōng-hu ê chhin-lâng, chiū-sī Í-lī-bí-lèk ê kai-chhin, ū chit-lâng miâ kiò Pho-a-su, sī toā hó-giáh ê lâng. ²Mô·-ap ê cha-bó·-kiáⁿ Lō·-tek ká Ná-o-bí kóng, Hō· goá khi hng--nih, goá nā tit-tiòh un-tián tī sīm-mih lâng ê bīn-chêng, chiū thang tī hit-lâng ê āu-bīn khioh béh-seh. I ká i kóng, Goá ê cha-bó·-kiáⁿ ah, choè lí khi. ³I chiū khi; í-keng kàu, chiū tè koah-béh ê lâng tī hng--nih khioh béh-seh; i chhàu-khám kàu Í-lī-bí-lèk ê kai-chhin Pho-a-su ê chit khu hng. ⁴Pho-a-su tui Pek-lī-hêng lâi, tui koah-béh ê lâng kóng, Goān Iâ-hô-hoa kap lín tī-teh. In òn kóng, Goān Iâ-hô-hoa sù-hok lí. ⁵Pho-a-su mng i só· phài koah-béh ê thâu-lâng kóng, Hit-ê sī sīm-mih lâng ê cha-bó·-kiáⁿ? ⁶Koah-béh ê thâu-lâng òn kóng, Chit-ê sī Mô·-ap ê cha-bó·-kiáⁿ, kap Ná-o-bí tui Mô·-ap toē tò--lâi-ê; ⁷i kóng, Chhiáⁿ lí chún goá khioh béh-seh, tī koah-béh--ê ê āu-bīn, tī kui-khún-tiong khioh i; i chiū lâi, tui chá-khí kàu taⁿ, tiāⁿ-tiāⁿ toà chia; chí-ū hioh tī chhù-lāi tiap-á-kú. ⁸Pho-a-su ká Lō·-tek kóng, Goá ê cha-bó·-kiáⁿ ah, lí tiòh thiaⁿ; bôh-tit khi pát khu hng khioh béh-seh, iā bôh-tit lī-khui chia, tiòh án-ni kap goá chia ê lú-pī choè-tin; ⁹lí tiòh khoàⁿ in tī toh-lòh chit-khu teh siu-koah, chiū tè in khi; goá kiám bô hoan-hù hiah ê siàu-liân lâng m̄-thang bong-tiòh lí? lí nā chhui-ta, chiū khi hiah ê khi-kū hia, lim siàu-liân lâng só· chhiūⁿ-ê. ¹⁰I chiū phak tī toē--nih pài i, ká i kóng, Goá sī goā-kok lâng, cháiⁿ-iūⁿ oē tit-tiòh un-tián tī lí ê bīn-chêng, án-ni

khoàⁿ-kò· goá ah? ¹¹Pho-a-su òn kóng, Tui lí ê tiōng-hu sí liáu-āu, kìⁿ lí khoán-thāi ta-ke ê sū, koh lí lī-khui pē-bú kap lí chhut-sì ê só·-chāi, lâi kàu lí pêng-sò· m̄-bat ê peh-siⁿ chia, lâng lóng ū ká goá kóng-bêng lah. ¹²Goān Iâ-hô-hoa pò-tap lí ê só·-choè; lí lâi hioh tī Iâ-hô-hoa Í-sek-liát Siōng-tè ê sīt-ē, goān lí tit-tiòh I ê toā siúⁿ-sù. ¹³I kóng, Goá ê chú ah, goān goá tit-tiòh un-tián tī lí ê bīn-chêng; goá sui-jiân boē pí-tit lí ê lú-pī ê chit-ê, lí iáu-kú an-ùi goá, tui lí ê lú-pī kóng hó oē. ¹⁴Chiah ê sī Pho-a-su ká i kóng, Lí lâi chia chia-piáⁿ, ēng lí hit-tè òn chhò·. I chiū chē tī koah-béh ê lâng ê piⁿ-thâu; in thêh hang ê béh-sui hō· i; i chia-pá iáu ū chhun. I khí-lâi khi khioh béh-seh. ¹⁵Pho-a-su hoan-hù siàu-liân lâng kóng, I chiū nā tī kui-khún ê tiong-kan khioh béh-seh iā tiòh iōng-ún i, m̄-thang hō· i kiàn-siàu; ¹⁶iā tiòh tui kui-khún-ê thiū tām-pòh, pàng tī toē--nih hō· i khioh, m̄-thang hoah i. ¹⁷Án-ni tī hng--nih khioh béh-seh, kàu ê-hng, chiū phah i só· khioh ê, iok-liók chit i-hoat ê toā-béh. ¹⁸I toà i só· khioh-ê jip siáⁿ, hō· i ê ta-ke khoàⁿ; iā chiong i chia-pá só·-chhun-ê thêh--chhut-lâi hō· i. ¹⁹Ta-ke mng i kóng, Lí kin-á-jit tī toh-lòh khioh béh-seh? tī toh-lòh choè-kang ah? Goān hit ê khoàⁿ-kó· lí ê tit-tiòh hok-khi. I chiū ká ta-ke kóng i tī toh-lòh choè-kang, kóng, Kin-á-jit goá choè-kang tī hia, hit-lâng miâ-kiò Pho-a-su. ²⁰Ná-o-bí ká i ê sim-pū kóng, Goān i tit-tiòh Iâ-hô-hoa sù-hok, chiū-sī si-un hō· oáh-lâng sí-lâng bô soah ê. Ná-o-bí koh kóng, Hit-lâng sī lán ê chhin-lâng, sī lán kai-chhin ê chit-ê thang siók-hoē lán ê sán-giáp. ²¹Mô·-ap ê cha-bó·-kiáⁿ Lō·-tek kóng, I iā ū ká goá kóng, Lí tiòh kun-tè goá hiah ê siàu-liân lâng, tit-kàu in ká goá siu-koah bêng-pék. ²²Ná-o-bí ká i ê sim-pū

Lō·tek kóng, Goá ê cha-bó·-kiáⁿ ah, lí kap i ê lú-pī chhut-khì, sī hó; bô hō· lāng khoàⁿ-kìⁿ lí tī pát-lāng ê hng. ²³Tùi án-ni i kap Pho-a-su ê lú-pī choè-tīn khioh bēh-seh, kàu toā-bēh sió-bēh siu bēng-pék; i iū-goān kap ta-ke saⁿ-kap toà.

3 I ê ta-ke Ná-o-bí ká i kóng, Goá ê cha-bó·-kiáⁿ ah, goá kiám m̄-tiòh ká lí chhē chit ê an-sin ê só·-chāi, hō· lí hióng-hok mah? ²Lí kap i ê lú-pī choè-tīn ê Pho-a-su, i kiám-m̄-sī lán ê kai-chhin mah? Khoàⁿ ah, i kim-mi poà toā-bēh tī gō·-kak-tiūⁿ. ³Lí tiòh soé seng-khu, boah-iū, oāⁿ-saⁿ, lōh-khì kàu gō·-kak-tiūⁿ; chóng-sī m̄-thang hō· hit-lāng jīm-tiòh lí, theng-hāu i lim-chiáh bēng-pék. ⁴Kàu i tó-teh ê sī, lí tiòh chim-chiok khoàⁿ i tó ê só·-chāi, chiū jlp-khì hian i ê kha só· kah--ê, tó tī-hia; i beh ká lí kóng, lí só· tiòh kiáⁿ ê. ⁵I chiū kóng, Lí só· hoan-hù-ê goá lóng beh kiáⁿ i. ⁶I chiū lōh-khì kàu gō·-kak-tiūⁿ, lóng chiàu i ê ta-ke só· hoan-hù-ê kiáⁿ. ⁷Pho-a-su lim-chiáh bēng-pék, sim hoaⁿ-hí, chiū khì tó tī bēh-tui ê pī--thâu. I chiū liam-kha jlp-khì, hian-khui i ê kha só· kah--ê, tó tī-hia. ⁸Kàu poàⁿ-m̄ hit-lāng tiòh-kiaⁿ, hoan-sin; bô phah-sng, ū cha-bó·-gín-ná tó tī i ê kha hia. ⁹I chiū kóng, Lí sím-mih lāng? Ìn kóng, Goá sī lí ê lú-pī Lō·tek; chhiáⁿ lí ēng lí ê saⁿ-á-ku lâi khám lí ê lú-pī, in-ūi lí sī goá ê kai-chhin. ¹⁰I kóng, goá ê cha-bó·-kiáⁿ ah, goān lí tit-tiòh Iā-hô-hoa sù-hok; lí chí lō·-bé ê un-chēng pí chēng-ê khah-toā; in-ūi siàu-liân lāng, bô-lūn sòng-hiong hó-giá, lí lóng bô tē i. ¹¹Goá ê cha-bó·-kiáⁿ ah, taⁿ lí m̄-bián kiaⁿ, kīⁿ-nā lí só· kóng ê, goá beh ká lí kiáⁿ, in-ūi goá pún-siáⁿ ê peh-siⁿ lóng chai lí sī hó tek-hēng ê lú-chú. ¹²Goá sít-chāi sī lí ê kai-chhin ê chit-ê; chóng-sī iáu-ū chit-ê pí goá koh khah

chhin. ¹³Lí kim-mi hioh chia; bīn-á-chá-khí i nā khéng ká lí chīn-kai-chhin ê pún-hūn, chiū hó, hō· i chīn kai-chhin ê pún-hūn; i nā m̄-khéng ká lí chīn kai-chhin ê pún-hūn, goá chí éng-oáh ê Iā-hô-hoa lâi chiū-choā, goá beh ká lí chīn kai-chhin ê pún-hūn; lí thang tó chia kàu thiⁿ-kng. ¹⁴I chiū tó tī i ê kha-ē kàu thiⁿ-kng; boē jīm-tit lāng ê sī, chiū khí-lâi. Pho-a-su kóng, M̄-thang hō· lāng chai ū chá-bó·-gín-ná kàu gō·-kak-tiūⁿ--nih. ¹⁵Koh kóng, Lí thēh lí só· chhēng ê goā-saⁿ, ēng chhiú khan i; i chiū khan i; hit-lāng chiū niū toā-bēh lāk-ê, hō· i pē-khì; i chiū jlp siáⁿ. ¹⁶I kàu i ê ta-ke hia; ta-ke kóng, Goá ê cha-bó·-kiáⁿ ah, lí taⁿ cháiⁿ-iūⁿ ah? I chiū chiong hit-lāng tui i só·-kiáⁿ-ê lóng ká i kóng. ¹⁷Koh kóng, Hit-lāng ēng chiaⁿ ê toā-bēh lāk-ê hō· goá, ká goá kóng, Lí m̄-thang khang-chhiú tò-khì lín ta-ke hia. ¹⁸I chiū kóng, Goá ê cha-bó·-kiáⁿ ah, lí thang an-sim chē--teh, theng-hāu chai che sū cháiⁿ-iūⁿ chiáⁿ; in-ūi hit-lāng kin-á-jit bô choè-chiáⁿ chit ê sū, tek-khak bô soah.

4 Pho-a-su chiūⁿ kàu siáⁿ-m̄ng, chē tī-hia; tú-tng Pho-a-su só· kóng hit ê kai-chhin-ê tui-hia kè; i chiū tui i kóng, Bó·-lāng ah, chhiáⁿ lí oat--lâi chia chē; i chiū oat--khì chē. ²Pho-a-su koh tui pún-siáⁿ ê tióng-ló tióng kiò chap-lāng lâi, ká in kóng, Chhiáⁿ lín chē tiám chia; in chiū chē. ³Pho-a-su tui hit ê chì-chhin-ê kóng, Tui Mô·-ap toē tò--lâi ê Ná-o-bí, taⁿ boē i hit-hūn ê hng, sī pún siók lán ê hiaⁿ Í-lī-bí-lék ê; ⁴goá ì-sù beh thong-ti lí kóng, Tiòh tī chiaⁿ ê chē--teh ê lāng ê bīn-chēng kap goá ê peh-siⁿ ê tióng-ló ê bīn-chēng, boé i; lí nā beh siók, chiū siók i; nā m̄ siók i, chiū bēng-bēng kóng hō· goá chai; in-ūi lí í-goā bô pát-lāng thang siók i, tē-jī chiū-sī goá. I ìn kóng, Goá beh siók i. ⁵Pho-a-su kóng, Lí

tùi Ná-o-bí ê chhiú boé hit hūn hūg ê jít, iā tióh tùi sí-lâng ê bó·, Mô·-ap ê cha-bó·-kiáⁿ Lō·-tek, boé i, lâi kiàn-líp sí-lâng ê miâ tī i ê giáp. ⁶Hit ê chì-chhin-ê kóng, Goá boē-oē ūi ka-kī siók i, kiaⁿ-liáu goá gāi-tióh ka-kī ê giáp; goá siók-giáp ê koân lí thang ūi ka-kī chiáng i; in-ūi goá boē-oē siók i. ⁷Chêng tī Í-sek-liát tiong beh koat-tēng sím-mih sū, hék-sī siók-hoē, hék-sī kau-oāⁿ, chít-lâng tióh thng oē hō· hit-lâng; Í-sek-liát lâng lóng ēng chít-ê choē cheng-kù ê lē. ⁸Hit ê chì-chhin tùi Pho-a-su kóng, Lí ūi ka-kī boé i; i chiū thng ka-kī ê oē. ⁹Pho-a-su kā tióng-ló kap cheng peh-siⁿ kóng, Lín kin-á-jít choē kan-cheng, kìⁿ-nā siók Í-lī-bí-lék, kìⁿ-nā siók Ki-liân Má-lūn ê, goá lóng tùi Ná-o-bí ê chhiú boé lâi; ¹⁰koh boé Má-lūn ê bó·, Mô·-ap ê cha-bó·-kiáⁿ, Lō·-tek choē goá ê bó·, thang kiàn-líp sí-lâng ê miâ tī i ê giáp, hō· sí-lâng ê miâ bô choát tī i ê hiaⁿ-tī-tiong, kap i ê pún-siāⁿ; lín kin-á-jít choē kan-cheng. ¹¹Tī siāⁿ-mng teh chē hiah ê cheng peh-siⁿ kap tiúⁿ-ló kóng, Goán choē kan-cheng; goān Iā-hô-hoa hō· jíp lí ê ke ê hū-jîn-lâng chhin-chhiūⁿ kiàn-líp Í-sek-liát ke Láh-kiat Lī-a nng-lâng chít-iūⁿ; koh goān lí tī Í-hoat-tha choē hô-kiát, tī Pek-lī-heng choē ū miâ-siāⁿ-ê; ¹²iā goān lí ê ke tùi Iā-hô-hoa ēng chít ê cha-bó·-kiáⁿ só· beh siúⁿ-sù lí ê hō·-è, chiāⁿ-choē chhin-chhiūⁿ Hoat-lék-su ê ke, chiū-sī Tha-má kā Iū-tāi só· siⁿ ê.

¹³Tùi án-ni Pho-a-su chhoā Lō·-tek choē bó·; í-keng kap i tâng-pāng Iā-hô-hoa hō· i hoāi-īn siⁿ chít ê kiáⁿ. ¹⁴Hiah ê hū-jîn-lâng tùi Ná-o-bí kóng, Iā-hô-hoa sī eng-kai o-ló ê; in-ūi I kin-á-jít bô pàng-sak lí, tì-kàu lí bô chì-chhin ê lâng; goān chít ê gín-ná tī Í-sek-liát tiong tit-tióh miâ-siāⁿ. ¹⁵I beh hók-tò lí ê cheng-eng, hōng-iōng lí ê nī-lāu; in-ūi siⁿ i-

-ê, chiū-sī lí hit ê thiāⁿ lí ê sim-pū, tùi-tī lí pī chhit ê kiáⁿ iáu khah-hó ê. ¹⁶Ná-o-bí phō hit ê gín-ná, hē tī i ê heng-cheng, io i chhin-chhiūⁿ lāu-bú. ¹⁷Chhù-piⁿ hiah ê hū-jîn-lâng chiū kā i hō miâ, kóng, Ná-o-bí ū tit-tióh gín-ná lah; chiū kiò i ê miâ O-pī-tek; i sī Iā-se ê lāu-pē, Iā-se sī Tāi-pit ê lāu-pē.

¹⁸Hoat-lék-su ê hō·-è kì tī ē-toé; Hoat-lék-su siⁿ Hi-su-lūn; ¹⁹Hi-su-lūn siⁿ Lān, Lān siⁿ A-bí-ná-tát; ²⁰A-bí-ná-tát siⁿ Ná-sūn, Ná-sūn siⁿ Sat-būn; ²¹Sat-būn siⁿ Pho-a-su, Pho-a-su siⁿ O-pī-tek; ²²O-pī-tek siⁿ Iā-se, Iā-se siⁿ Tāi-pit.